

www.BibleForChildren.org




Jon 14



"Koma patang vaare yam," te tsue fi Jisas tan matisian Tsunia, "Mi faason busem ten Gov, mi te faason kan Tsonyo. Gagon numaa ten Tamanyo te kaa minon fo mamatsiny ar bei ot na aya Nyo nai kakouiny onots of maromi ya."



"Nyo tabuiny tsue of mami te gim fi non ya ma man. Ai to te naa fi Ronyo ma kakouiny Anyo na pan tsumi. Nyo nai tabin mirou Nyo te nom fi mami Tsonyo, tan kat to aya mi nai kaa emarom tana pan te kaa Ronyo."



Anyo Jon, nyo na vamuinyasiny fafaaman tsumi ten
Jisas, nyo saraa kamits faarei tsuiny kan mami.
Nyo agiir tana Waan e Gov faarei tsuiny

kainy maromi. Ana nyo
tsutsun fareits men



anaanos faamo tan
govets a fo patang
faarei tsuiny kan
maromi.



Ri kotskots vanyo tana toor te koo rori Patimos tana
saa, nyo te favaanan iny vegiau ten Gov, ana
man to te tsue pokei iny e Jisas.



Sen tsun, an Aaven Taabos tutuei vatuanyo, nyo tagei to na isen a mes te gum non tan tagan Gormirmir.




Ana nyo nongoiny ton fo mamatsiny viir ka te fapogaar e Gov, unya Gormirmir, ai nei petoo, ai fain puputaa ana fo mamatsiny viir ka koman a namaan ai tana monaagits to, ri kooma: "A Mes to te gungum non tan tagan Tsuan, ana Tsunei Siip kan, ma nom variri, ana vamarits, ana fatsiitsii ana parits a reits tan mamatsiny nainy a sikia ta fafakap nan."



Ana nyo tagei to na Ngats Fan Tsian a Taabos, a Jerusalem a foun of fi minon Gormirmir ten Gov kakoun busen faarei te kakoun fi non a muiny fanging vaun saavits fiisok tsuan ma tainytainy ya natsioiny. Nyo nongoiny ton vegiau tsian te poo fi me tan tagan te tsue

na ka, "Tovei na fan ten Gov te kaa non fapoopoan nar vainy, ana Ayei patsukanen nai kaakaa fiisen ramirori, ana rin vainy Tsunia fatoobing."



"Ana Ayei patsukanen nai kaa fiisen ramirori ana
Ayei na Gov tsuri."



Kat to ana morena kan to ayei, faatok kan vatuanyo na aurom tsian, a aurom to te kifon iny non a toto na suu, a kakanaf ana arasan faarei non a tsin, koor fi minon tan tagan ten Gov ai tana Tsunei Siip, koor fi naa non tana sanaan tsian koman a ngats fan tsian to ayei.



A ngats fan tsian to ayei sikia non ma komainy a arasan tana nuaf ana iifaa ma fa'arasainy ya, tana saa, siinaiv ten Gov fa'arasainy non ya, ana Tsunei siip faarei non kurun tsunia.



Sana sikia ta isen ta ka
tan aveto nai sof oiny
mi naa rori tana ngats
fan tsian to, gen sikia ta
mes te kat kat non kat
iny tsikoor, gen vainy
gamgam, ari kan sikia
ror ma sof ya, a vainy
tsun ton asanga rari
kaa non koman Buk nar
asangar vainy te kaa
miror na Toto na Suu
tana Tsunei Siip to, nai
sof ror koman a ngats
fan tsian to ayei.




"Ayei nai sap ravainy non fo
susuiny matan mata rari. Ana
sikia pis ta mat, ge tu reesik, ge
tu tangis, ge ta kamits, tana saa
a fo mamatsiny kan tamuan tovei
kajiaa ovei raror."




Ana fo mamatsiny kan iring vavajia to te kat non e Gov
vaatsuk tsuri gim ror ma kaa on nats tana ngats fan
tsian to ayei. Tagan ten Gov ana Tsunei Siip nai kaa
non tana ngats fan tsian to ayei, an fuainy tsoiny binun
ten Gov nai fafaatouf ror

Ya. Rin vainy to te
fafaatouf Ya nai
tagei ror a nain Ya
fatoobing ana
asangan Ya
na kirkir nai rari.




Ana nyo tagei ton vainy faavot te mat kaa miror
asangar gen vainy babainy tsutsun ror matuen tagan
karap gosee kaa ror tan vaatsuk tana ka te kat ari to te
kirkir finy yan kat tsuri koman a fo buk ton takarat. An
mes sen buk, u takarat, U Buk nan asingar vainy te
kaa miror a Toto na Suu. E sei na mes
te gim non ma kaa men kirkir nana
asangan ya koman Buk nar
asingar vainy te kaa
miror a Toto na Suu
ee, Gov faviir naa non
ya koman Naaman
Nan Guaf akaakoor.



Aaven Taabos ana muiny fanging tana Tsunei Siip tsue na ka ten Jisas, "Taame!" E sei na mes te nongoiny non vegiau ta aya ee, ma tsue kainy a ka, "Taame, Tsunaun e Jisas!" Taami yam, e sei tsumi te iinyu non ee, ai sei te komainy naa minon a jiu to ee, ma naa me,

a jiu to tana
aurom
to te faan

iny non a
toto na suu a
sikia ta foiny nan,
aye na fifaan babainy.



tana saa Gov mangiir fiisok a vainy
tana monaagits to, ana Ya faan iny to
na isen tsun a Guei Tsoiny Tsuan,
tan kat to aya ere sei tsun te faaman
ror Tsunia ee, gim ror ma nai
nom a mat a suu, sana ri
kaa bus me na
toto na suu.



Romans 3:23 tana saa a vainy faavot kaa miror aveto, ana ri biu erato ma vamarits ari Gov.

Romans 6:23 tana saa a tafan tan kat, kat iny aveto i tovei, a mat a suu unya Hel; sai to tana fifaan te faan babainy iny e Gov, ito na toto na suu ten Kraiss Jisas a Tsunaun tsura.

Hebrews 9:27 A fokinai vainy faavot mat isen tsun ror, voun ya, vaatsuk ten Gov te ruak me.

Ephesians 2:8,9 Ito tsun kan tana koma ree'un a kaatsian fiisok ten Gov, sana mi saup fatabin em, tana saa, ami faason tsun emanaa ten Kraiss. An sikia ma tan kat rof tsura patsukaner, sana fifaan babainy tsun ten Gov, ma tenoor tsun iny vaare ta mes, "Nyo saup fatabin a tsivou."



Romans 10:9,10 Ka te favaanan ronyo tsumi tovei: Tan nainy te tsue poka rom anyi matar a fokina fiisen men sen tsun fakats tana man nana ka to, "Jisas Ayei na Tsunaun faman tsonyo," ai to te faamainy fatsian rom anyi na ka to, "Gov fatoto fatabiny e Jisas vou na mat Tsunia," Gov nai saup fatabin marom anyi tan aveto tsumanyi ana Ya te kat fatavaroiny manyi, tana saa, a mes ma faamainy famainy e Gov te fatoto fatabiny e Jisas tana mat, ai Gov te kat fatavaroiny a mes to ayei matan Ya; an ayei ma tsue poka tana mesapan, Jisas a Tsunaun tsunia, ana Ayei saup fatabiny towa tana fo aveto.

John 3:16,17 tana saa Gov mangiir fiisok a vainy tana monaagits to, ana Ya faan iny to na isen tsun a Guei Tsoiny Tsuan, tan kat to aya ere sei tsun te faaman ror Tsunia ee, gim ror ma nai nom a mat a suu, sana ri kaa bus me na toto na suu.



Gov gima jiats me na Guei Tsoiny Tsuan tana vainy tana monaagits to, ma faarei Ya na tsoiny vaatsuk ma pokei rari Ya, er nom to na fasaraa tan mat a suu, a sikia, sai te faarei non a Tsoiny Fiisaup tana vainy tana monaagits to.

1 John 5:11-13 Vegiau te pokei iny e Gov tovei: Gov faan bus iny a toto na suu tsura, ana toto to aya te kaa non koman a Guei Tsoiny Tsunia. E sei na mes te kaa minon a Guei Tsoiny ee, ayei te kaa minon a toto to ayei: ai sei na mes te gim non ma kaa me na Guei Tsoiny ten Gov ee, ayei kan te gim non ma kaa me na toto to ayei. Nyo kirkir of mamin vainy te faaman rom tana asangan a Guei Tsoiny ten Gov ma nat ami, ami kaa bus me na toto na suu.



Jon 14; 2 Korin 5; Vegiaun Tapokaa 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Saposa Bible (sps) © 2001, Wycliffe Bible Translators, Inc.
All rights reserved.

<https://www.bible.com/bible/1271/GEN.1.SPSNTPO>

©2025 Bible for Children, Inc.

www.M1914.org

www.bibleforchildren.org

